

Eadem die 31 Maji

**B. M. V.  
Omnium Gratiarum  
Mediatricis**

**Introitus.**

*Hebr. 4,16.*



deámus cum fidúcia ad thronum grátiae, ut misericórdiam consequámur et grátiam inveniámus in auxilió opportúno. (*T.P. Allelúja, allelúja.*) *Ps. 120, 1.* Levávi oculos meos in montes: unde veniet auxiliúm mihi. **V.** Glória Patri.

**Oratio.**

**D**ómine Jesu Christe, noster apud Patrem mediátor, qui beatíssimam Vírginem, Matrem tuam, matrem quoque nostram et apud te mediátricem constituere dignátus es: concede propítius; ut, quisquis ad te beneficia petitúrus accésserit, cuncta se per eam impetráse lætétur: Qui vivis et regnas cum eodem Deo Patre.

Lectio Isaíæ Prophétæ.

*Is. 55, 1-3 et 5.*

**O**mnnes sitiéntes, veníte ad aquas: et qui non habétis argéntum, properáte, émite et comédite: veníte, émite absque argénto et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum,

et delectábitur in crassitúdine ánima vestra. Inclínate aurem vestram, et veníte ad me: audíte, et vivet ánima vestra. Ecce, gentem, quam nesciébas, vocábis: et gentes, quæ te non cognóverunt, ad te current propter Dóminum, Deum tuum, et sanctum Israél, quia glóricávit te.

**Graduale.** *Eccli. 24, 25-26.* In me grátia omnis viæ et veritátis, in me omnis spes vitæ et virtútis. **V.** Transíte ad me, omnes, qui concupiscitis me, et a generatiónibus meis implémini.

Allelúja, allelúja. **V.** Salve, Mater misericórdiæ, Mater spei et grátiae, o María. Allelúja.

*Post Septuagesimam, omissis Allelúja et Versu sequenti, dicitur:*

**Tractus.** *Apoc. 22, 16-17.* Ego sum radix et genus David, stella spléndida et matutína. **V.** Et spíritus et sponsa dicunt: Veni; et qui audit, dicat: Veni. **V.** Et qui sitit, véniat; et qui vult, accípiat aquam vitæ gratis.

*Tempore autem Paschali omittitur Graduale, et ejus loco dicitur:*

Allelúja, allelúja. **V.** *Is. 60, 4.* Leva in circúitu oculos tuos, et vide: omnes isti congregáti sunt, venérunt tibi. Allelúja. **V.** Fílii tui de longe vénient, et filia tuæ de látere surgent. Allelúja.

✠ Sequéntia sancti Evangélii  
secúndum Joánnem. **P**

*Joann. 19, 25-27.*

**I**n illo témpore: Stabant juxta  
Crucem Jesu Mater ejus, et  
soror Matris ejus, María Cléo-  
phæ, et María Magdaléne. Cum  
vidísset ergo Jesus Matrem, et  
discípulum stantem, quem di-  
ligébat, dicit Matri suæ: Mulier,  
ecce fílius tuus. Deinde dicit  
discípulo: Ecce Mater tua. Et ex  
illa hora accépit eam discípulus  
in sua. **C**redo.

**Offertorium.** *Jer. 18, 20.* Recor-  
dáre, Virgo Mater, in conspéctu  
Dei, ut loquáris pro nobis bona,  
et ut avértat indignatiónem  
suam a nobis. (**T.P.** Allelúja.)

#### Secreta.

**M**atris tuæ ac mediatricis  
nostræ précibus, Dómi-  
ne, quæsumus: hæc hostiárum  
oblátio nosmetípsos, tua grátia  
largiénte, tibi perficiat munus  
ætérnum: Qui vivis.

*Præfatio de B. Maria Virg.* Et te in Festi-  
vitate.

**Communio.** *Esth. 15, 17.* Valde  
mirábilis es, o María, et fácies  
tua plena est gratiárum. (**T.P.**  
Allelúja.)

#### Postcommunio.

**S**ubvéniat nobis, Dómine,  
Sebéatæ Mariæ, Matris tuæ  
ac nostræ mediatricis, orátio:  
ut per hæc sacrosáncta com-

mércia, tua grátia largiénte, ad  
redemptiόνis ætérnæ proficiá-  
mus augméntum: Qui vivis et  
regnas.

Sabbato infra Octavam  
Ascensionis

### B. Mariæ Virg. Reginæ Apostolorum

#### Introitus.

*Ps. 86,1-3.*



undaménta ejus in  
móntibus sanctis: dili-  
git Dóminus portas  
Sion super ómnia tabernácula  
Jacob. Glóriosa dicta sunt de  
te, civitas Dei. (**T.P.** Allelúja, al-  
lelúja.) *Ps. 133, 1.* Ecce, nunc bene-  
dícite Dóminum, omnes servi  
Dómini: qui statis in domo Dó-  
mini, in átriis domus Dei nostri.  
**V.** Glória Patri.

#### Oratio.

**D**eus, qui Apóstolis tuis,  
cum María Matre Jesu  
unanímiter orántibus, Sanctum  
dedísti Spíritum: da nobis; ut,  
eádem Matre nostra et Apo-  
stolorum Regína protegénte,  
majestáti tuæ fidéliter servíre,  
et nóminis tui glóriam verbo et  
exémplo diffúndere valeámus.  
Per eúndem Dóminum . . . in  
unitáte ejusdem.

Léctio Actuum Apostolorum.

*Act. 1, 1-14.*

**P**rimum quidem sermónem  
feci de ómnibus, o Theó-